

L Բ .

Այս գիշեր ի դուրս ելայ, թուխ ամպ էր ' անուշ կու ցողայ.
 Չիմ եարն ալ պառկած տեսայ ու կանանչ եողրան ի վըրայ.
 Ոտկունքս առուդիր արի թէ մտնում ի ծոցըն նորա.
 Գլխարկն ալ ի վեր իկալ, թուխ աչօքն արաւ թէ՛ Գընա՛,
 Սեւ օձ կայ ի յիմ ծոցիս որ չելնէ ու դաստի ջանայ:
 Յառաչելով ի յետ դարձայ թէ՛ Սիրե՛մ գսուրաթըն նորա:

L Գ .

Շատ պատկեր ի քո սուրաթդ, աննըման զետ քուկը չիկայ.
 Յանց աղուոր պատկեր ունիս որ կ'ասեն թէ տերն է Մըսրայ.
 Ուներըդ եկեղեցոյ զետ կամար ի վեր քաշած է,
 Աչերդ է կանթեղ նըման, ի կամարն ի վար կախած է:

L Դ .

Չինչ եղեգն ի շամպին մէջ կու ճոճայ ան քո անձըն է.
 Քո մէջքդ է բարակ 'ւ երկան եւ պոյիկդ է սալի թովան.
 Ջուր անմահութեան կ'ասեն՝ այն ի քո ծոցէն կու բըխէ.
 Երնէկ ես անոր կուտամ որ դընէ զբերանն ու խըմէ:

L Ե .

Մահալովդ ի վար կուգ'ի՝ զետ հազար դարիպ մոլորած,
 Իմ եարս ալ ի դեմս ելաւ՝ զետ հազար լուսին բոլորած.
 Չետ սըրած կտրուկ դանակ անողորմ ի սրտիս էած.
 Ո՛չ խիղճ ի մըտին ձըգեց, ո՛չ յիշեց աւոր մ'աղուհաց:

L Չ .

Գիշե՛ր, դու յերկան կեցիր, տարեկ մի եղիր, թէ կարես.
 Իմ եարն ինձի հիւր եկեր, զեմ հազար տարու՝ թէ գիտես.
 Առաւօտ, դու զատ կեցիր, որ ըզմեր խաղըն կ'աւիրես.
 Գաս ըզլոյսն ի վրայ բերես ու զիս իմ եարես բաժանես:

L Է .

Չիմ եարն յիսնէ զատեցին, թոռմեցայ զետ վարդի տերել.
 Տարին այլ երկիր հանին, չիցարեց իմ սիրտըս արել:
 Երթամ աղաչեմ զԱստուած որ տայ ինձ աղաւընու թել,
 Թռչիմ ու հաւան ելնում իմ եարին երդիցն ի վերել,
 Աչացս ալ արցունք թափեմ զետ թաթաւ ու զետ ըզանձրել.